

影印
文淵閣

四庫全書

影印

文淵閣四庫全書

第一四七一冊

北京出版集團公司
北京出版社

本冊目次

元
詩

三 二

選
(四)
集 集

清
顧嗣立編……一

欽定四庫全書

集部
元詩選二集卷二十

詳校官中書臣王鵬

主事銜臣徐以坤覆勘

總校官編修臣王燕緒

校對官檢討臣溫常綬

謄錄監生臣楊本陽

欽定四庫全書

元詩選二集卷二十

庶吉士顧嗣立編

九靈山人戴良

良字叔能浦江人少學文於柳待制貫黃侍講

潛學詩於余忠宣闕皆得其師承起為月泉書

院山長至正辛丑以薦授淮南江北等處行中

書省儒學提舉然時事已不靖無可行其志乃

攜家浮海至中州欲與豪傑交而卒無所遇遂

欽定四庫全書

元詩選二集
卷二十

南還四明四明多山水耆儒故老往往流寓于

茲因相與宴集為樂酒酣賦詩擊節歌詠聞者

悲而壯之洪武壬戌召至京師試文詞若干篇

留會同館命大官給饌欲官之以老病固辭忤

旨待罪次年四月卒于寓舍年六十七叔能世

居九靈山下自號九靈山人有九靈山房集三十卷

王禕謂其詩質而敷簡而密優游而不迫冲澹

而不攜上追漢魏之遺音而自成一家叔能自

元亡後故國舊君之思往往見於篇什其自贊
曰處榮辱而不二齊出處於一致歌黍離麥秀
之詩詠刺水殘山之句則於二子庶幾無媿蘇
伯衡贊其畫像曰其跋涉道塗也類子房之報
韓其傍徨山澤也猶正則之自放叔能殆欲終
其身為有元之遺民者歟

詠懷三首

以下山居索

結廬在西市藪薈仍種葵謂將完安宅何意逢亂離三

欽定四庫全書

元詩選二集卷二十

年去復還鄰室無一遺所見但空巷垣墻亦盡毀一作頽

久行得荒徑披拂認門基我屋雖僅存藁悴葵亦衰本

自任山澤此悔將何追

庭前兩奇樹常有好容色年年遇霜雪一作雪霜誰謂寒可

易大道久已喪末路多涼德孤裘已適體誰念寒塗客

古有延陵子使還過徐國徐君骨已朽信義適感激解

劍挂高樹至寶非所惜此士難再逢四顧吾何適

小小秉微尚游心在六經苒苒歲年遲乃與塵事冥入

秋多佳日何以陶我情園蔬青可摘新穀亦既升命室
釀美酒一壺聊復傾兒女在我側親戚還合并終觴無
雜言但說歲功成至樂固如此是外徒營營

和沈休文雙溪八詠

登臺望秋月秋月光陸離掩映西南樓徘徊東北墀凝
華奪班扇流輝鑒阮帷三五暈尚圓二八形已虧爰有
蓬鬢人長懷桂殿思遼城記吟咏西園憶追隨願以薄暮
景承君清夜暉

欽定四庫全書

元詩選二集卷二十

會圃臨春風春風弄新陽驅煙入閒戶卷霧出虛堂響
谷鳥將韻穿林花度香遙遙動中閨胎蕩經洞房逐舞
輕靡哀傳歌低繞梁所悲金玉軀遂爍佳麗場時拂孤
鸞鏡星鬢視飄揚

秋至愍衰草衰草遍平陸方晨露淅黃入夜風銷綠別
葉有歸聲故蕊無留馥勁莖坐自摧寒叢竦如束彼物既
如斯我年寧不促已失早生榮敢冀晚凋福何當即去
茲縱浪從所欲

寒來悲落桐，桐生在長林。積葉既阿那，攢條復蕭森。排雲正孤立，乘風忽哀吟。朽壤方有託，急霰非所任。輪囷龍門側，樵悴嶧山岑。不求削成圭，何待裁作琴。菲薄既非材，固無斤斧侵。

夕行聞夜鶴，鶴鳴向天池。奇聲傳月迴，清思逐風悲。寥度霄漢數，數傷別離華。亭侶既失衛，軒寵亦衰衛。軒非我顧華，亭尚余思蟋。蟀悟寒候商，羊識陰則不有慕。類心此情那得知。

欽定四庫全書

元詩選二集
卷二十

四

晨征聽曉鴻，鴻飛何處所。隨陽弱水岸，違寒長沙渚。冥冥憶霜羣，邕邕叫雲侶。固將聯匹儔，豈惟念羈旅。視夜已昭晰，度聲尚淒楚。以之頻感觸，將何慰艱阻。帛書望不來，誰知我心苦。

解佩去朝市，朝市路已迷。敢冀恩私被，但嫌朋好睽。彼譏起青蠅，我行玷白圭。寸心幸能亮，微命不終乖。及今去青瑣，何日瞻泰階。荒服固云忝，是道諒亦迷。安得同志士，三歎寫余懷。

被褐守山東，山東古於越。州城冒陁峴，嵐氣屢興沒。剖竹曰有行，思君不能發。指塗期闌暑，下車已涼月。汲黯薄淮陽，子牟戀魏闕。豈伊念川塗，固亦悲朝列。日月儻垂照，猶堪慰寂寞。

築新居

挈杖去中林，卜宅江之邊。江邊多故廬，改築架斯椽。左右皆廢墟，南北盡頽垣。昔人固不留遺迹，尚依然。因之悟物理，盛衰恒遞遷。世既異，市朝海亦變。桑田古來皆有是，念此一長歎。何以慰我懷，斗酒傾前軒。百世非所知，聊且樂當年。

還舊居

自我遠行遊，故廬今始歸。如何廿載間，舊事都已非。曳杖過比鄰，相呼尋故知。不見垂白翁，但見初長兒。我國既稍葺，我田亦就治。種秫釀美酒，拾薪煮豆糜。一笑集親朋，相從說睽離。以之感疇昔，俛仰多所悲。人生一世中，所憂渴與飢。力耕給其用，此外更何思。便當息吾駕，皓

欽定四庫全書

元詩選二集
卷二十

五

首以為期

飲酒

在昔童少時得年輒自喜謂當羽翮成青冥將立致去
去曾幾何已覺非初意每思前日事翻恨莫重遇盛衰
迭相尋壯極老會至叢也歎時遲今焉惜年逝人生已
如此有酒且須醉

憶胡仲申

點點階上苔鮮鮮為誰碧已別舊年人空餘舊年色我

欽定四庫全書

元詩選二集
卷二十

六

行東齋外對之還爾惜所思雖久違猶有往來迹

歲暮遲宋潛溪

忽忽歲欲暮駸駸春已迫出門尚誰思悲歌遲來客客
昔與我期近在旦與夕如何事多迂月滿且復魄悲風
一夜起落葉滿長陌女蘿雖有託近亦辭松柏萬物會歸
盡人豈無終極而我與夫子況皆年半百前途詎難知
玄髮早已白若不數相過蹉跎深足惜

寄許存仁

一鳥方北來一鳥却東飛夫豈巧為避羽短風迫之方

春遊郡城子有越上期及今會吾里而我復差池常時
隔遠道睽乖固其宜豈意兩相接反更事多違畏塵念

彈冠懼垢願浣

一作浣

衣士有交臂失如何弗予思

楊本初見訪別後却寄

有客越中來衣帶越溪雨既來還遽辭耿耿不得語譬
如東軒月偶此成賓主浮雲一與期清光無定所出門
復入門悵望夜將午幾向雨來時念子溪之許事違人

欽定四庫全書

元詩選二集
卷二十

七

已衰別多心更苦朝來數鬢絲近復添幾縷

荅李寧之

涸鱗思赴海倦翮念歸山如何遠遊客歲久不知還世
塗方擾擾豺虎尚為患久嫌軍務勞翻羨為客閒夜雨
滴愁夢晨風颿頽年丈夫雖耿介亦或多苦顏而我承
結鄰獨喜相追攀未堅金石交已枉瑤華篇時時感嘉
貺相視兩悽酸豈不欲為荅情深諒難宣

丁酉除夕效陶體

疊疊冬春易悠悠時運傾一歲只今宵胡能不心驚我
觀寰宇內誰非愛其生其生竟幾何倏忽已頽齡長風
向夕起寒雪沒前庭綠竹且就塵衆草豈復青萬事盡
如是何須動中情兒女方在側尊酒亦既盈今我不為
樂後此欲何成笑歌東軒下且遂陶性靈

正月五日遊石門懷所逢客

開歲己五日良辰誠蹉跎悟彼時鳥鳴往遊山之阿平
明發陰壑亭午憩陽坡崖障獻奇峭水木呈清華幽谷

欽定四庫全書

元詩選二集
卷二十

既深入茂林仍遠過迢迢蹊絕蹤隱隱泉齧沙涉澗固
洄沿陟峴復巍我舍與挹飛流停策引芳柯石甌忽雲
擁巖度亦星羅土畜念唐風民勤懷幽歌羽檄起淮甸
烽火連浙河無地可投足此山思結蘿良儔愆我素荏
苒當如何長嘯臨逝川汨汨感人多

題蘭溪東峰亭

昔余駐蘭陰頗得溪山趣日上東峰亭遙望水東注別
去曾幾何重來已遲莫一時同遊者大半髮垂素亦或

卧空墳翳彼梅花樹因之念所思倚闌聊四顧安知游
目時翻是傷心處咄茲露電身誰似金石固此生總滿
百會合能幾度獨有溪上山年年只如故

陪鍾伯紀遊溪南山

一春苦昏墊今晨收宿霏因憶謝公語出遊娛清輝溪
流深可厲草露泣未晞林木相映蔚時禽遞鳴悲佛廬
已高據鳥道方仰窺危峰枕樓閣細竹擁階基窈窕趨
南征徘徊款東扉倚闌眺懸瀑企檻引松枝地僻慮自
澹身閒意無違此理誰識察悟心惟朋知

欽定四庫全書

元詩選二集
卷二十

九

寄王子充

燕燕何從來其羽已差池飛入華堂內意在巢君惟君
惟豈不好傷哉非故知引去方未能欲留復迴疑噉噉
徒曉風翩翩空莫聞

送人赴廣信軍幕

懔懔促夜絃翩翩戒晨軸臨分將列觴指景念出宿羈
思無定端官程有成速含思登迴陌抱疚度遙陸前峰

日銜岫後蹊風出谷欲投近却去惟見遠煙綠水溪渺
森沉玉山鬱駢轟方遠悲路長逾前歎期促邊障固優
暇邊情易翻覆贊政諒匪難布德在所勗古來固疆圉
豈皆藉頗收

送人從戎

世事諒難必伊人去從戎平生二三策乃用軍帳中東
郊已春陽北陌尚寒風千里違鄴城幾日到邊封漢幟
正星羅淮騎亦雲從已入青油幕猶帶駢角弓願言惟
欽定四庫全書
元詩選二集
卷二十
十
幄士勉贊戎馬功但期膺厚賞不忘捐薄躬庶幾邊上
人咸識爾為雄

送人歸姑熟

一官冒風塵十載犯霜露豈伊懷祿情亦以娛親故長
塗忽榛棘四海益氛霧父母且不知妻子豈得顧閨海
非我鄉浙河幸余渡誰知消息近反使心魂懼桑梓半
不存骨肉定何處掩骼古則然脫驂今豈遇言歸雖有
期悲情將焉訴蓼蟲昧葵莖晨雞識晦雨君自處平世

安知我心苦

城東會飲送王天錫

陰崖斂暝霏霜陸耀晴晙蕭蕭落木多縣縣衰草遍開
冬感徂物列飲會羣彥美醕溢流霞妍談粲餘綯時髦
非我匹清尊豈余戀行矣送將歸悵馬罷歡宴引領阻
雲從搔首歎蓬轉

題舜柏軒

瑟瑟涼野風竦竦寒城木風勁木亦然受命一何獨歲
物已淪傷高標誰賞錄偶荷主人恩開軒向城曲老枝
扶戶吟密葉停窗綠遂忘孤生悲行享後凋福有客正
迷方振衣時躑躅願為柏上枝託蔭歸君屋

送劉仲脩

名都鬱佳麗公室赫一作弘故續續一作集時彥袞袞
歸世網若人固忠勤受命逾震蕩藩國簡車徒邊亭巡
境壤道塗邈以負山川脩且廣月宵抱影息霜晨流念
徃仰看零露團俯聽悲風響景物勞夢思驅馳罷心賞

去水無回波長塗有阻鞅臨分恨莫留搔首獨長想

贈別呂用明

旅鴈薄霄遊輕鷗掠水飛相逢多間阻所向有高卑偶
此風雨過解后洲渚湄翩翩形影亂噉噉鳴聲悲日落
水氣寒月高風景移矰繳發中流又復夜驚離回翔空
有志棲宿定何時飄飄天衢上往慎子毛衣

使客還自建昌

時雞初戒曙關吏已開晨飭徒臨迴陌振楫發長津四

欽定四庫全書

元詩選二集
卷二十

十三

郊盛陰氣千里塞驚塵艱難將使命駭肩作行人時值
秋冬交道經吳楚分昔出方禡師今還已歸軍威遲良
馬勞悽惻僕御勤王事不可淹誰知君苦辛

同子充潛仲遊北山夜宿覺慈院

窮年厭喧囂今晨愜游行豈伊清曠懷直為朋知展指
塗陽已升入谷光未顯涉流既百折尋山亦千轉停策
樹頻倚攀林芳屢蹇路夷始出幽山暝復凌緬佛廬既
棲薄僧榻聊息偃地僻心自怡俗遠慮乃遣明發有佳

趣勝處將歷踐

登鹿田

山北倦游覽山南縱攀援苔滑豈可步蘿弱猶足捫力
竭轉脩蹊險盡得平原排峰作郭郭列岫代墉垣披拂
趨蘭社靡迤入松門奇石既羅逕初筮亦當軒鹿耕事
固遠仙化迹還存野田遺舊場孤冢祕精魂感往情已
劇懷來念彌敦學道值時阻攝生逢景奔何能棄緣業
即此窮朝昏

欽定四庫全書

元詩選二集
卷二十

十三

贈別祝彥明

悵望臨荒蹊驅馳騁遐步江紆練月初山標綠霞莫天
長路易迷水深舟難渡征人去不息倦僕立相顧此時
悲送君安能髮不素

雙劍篇

君不見干將冶鐵鐵不流鑞邪遇之剪指投赫然鍊成
雙寶劍遂匿其陽以陰獻雌雄離隔經幾年一朝飛墮
君侯前乃知神物不虛授必待英豪始聯偶從今永近

君侯身玉頭珠口相鮮新輻裏來來白鷗尾匣中藏却
綠龜鱗遭時未息干戈事且為君侯充武備黑犀中斷
未為奇白蛇夜斬方稱利五山精六金英也曾埋沒豫
章城時時熱氣斗間明占者已知吾國興君侯佩之可
千齡

秦鏡歌

玉之瑩石之英光瑩豈若秋金精秋金之精鑄鏡成良
工錫以銀華名銀華顏色如霜雪攜向秦宮歎奇絕珊

欽定四庫全書

元詩選二集
卷二十

十四

瑚臺上吐菱花玳瑁匣中生明月夜籌已竭曉籌終宮
女對之難為容雲鬢被首黛渝色我貌如心不堪飭早
知鑑心如鑑貌漢兵敢犯咸陽道咸陽漢殿空中立秦
鏡團團畫飛入至今鬼母夜深泣

白紵歌

闔廬宮中夜撾鼓宮樹烏啼月未午玉缸提來酒如乳
白紵衣成向君舞美人醉起行步難腰間珂珮聲珊珊
肯緣嬌愛減君歡寶釵墮地不敢言宮中門戶多無數

涼州行

涼州城頭聞打鼓涼州城北沙如雨羽書昨夜到西京
敵兵已犯涼州城涼州兵氣若雲黑百萬人家皆已沒
漢軍西出笛聲哀候騎聞之去復來年年此地成邊地
蕃漢人家相間處蕃人有婦能漢音漢女亦解蕃部琴
琴蕃部歌漢語夫婿從軍半生死美人踏筵尚歌舞君
不見古來邊頭多戰傷生男豈如生女強

欽定四庫全書

元詩選二集
卷二十

十五

短歌行

青天上有無根日馳光暫明還復黑晝夜相催老却人
忽忽吾言四十七偶看舊鏡鏡為羞昔髭未生今白頭
朱顏丹藥已難覓青史功名行且休歲歲年年待富貴
富貴不來老還至老既至兮百事非病妻對之怨且詈
妻年比我雖稍卑近亦摧顏如我衰一生仇讎殆居半
此世歡娛能幾時總多子女知何益北邙冢墓無人識
古往今來共如此我亦胡為空歎息人生滿百世豈多

尊中有酒且高歌有酒不歌奈老何

除夜客中

歲月遽如許蹉跎老却人一年惟此夜明日又逢春湖海未歸客風塵多病身感時渾不寐燈火獨相親

郡齋度歲二首

失脚雙溪路今經兩度春不堪飛雪夜還作望鄉人世事方如夢生涯笑此身惟應兩蓬鬢不負歲華新

條風纔應律柏酒又浮杯舊臘隨宵盡新年逐曉來浮

欽定四庫全書

元詩選二集
卷二十

生蒼狗變暮景白駒催自歎憂時客初心寸寸灰

寄寧之鵬南兄弟二首

攜家非得計世亂且求安有季俱行役誰人救急難月從愁裏沒雪向望中寒昨夜鄉書到知君不忍看
一自干戈後先廬幾處存遽成豺虎峽愁殺鵲鵲原歲酒空今夕春風非故園憂來無避處只是倚衡門

投王郡守

已落時人後誰能說姓名惟應馬南郡偏重鄭康成賓

館懸牀待公庭罷吏迎為居門下久童僕亦多情

投同僉公

授鉞幾專征分藩復此行身為漢飛將家若魯諸生祕畧三邊服妖氛一劔橫已多門下客持筆待功成

郡齋守歲

守歲寒齋裏開盤試奠辛杯行猶是臘酒腥即逢春天地長為客風塵歎此身歲時追往事獨有老隨人

劔池送人

以下吳游索

欽定四庫全書

元詩選二集
卷二十

祖龍南狩年拔劔當風立慷慨逞雄心斫石石為入耿耿秋水光稜稜鐵花澀殺氣纏蛟螭腥痕凜原隰參差世祀移寂寞威風戢要離去不顧湛盧見之泣英圖悵若茲餘波渺誰挹茂宰歟騫騰軍容何翕習仗劔戍三邊斬首當幾級惟國養甲兵有愠須討襲相期獻馘歸此地共棲集

登堯峰

已從餽泉游復向堯峰去堯峰渺何所眊俗不知處披

拂強追尋疲茶窘凌遽息喘倚茂松濟勝犯零露積石
擁近蹊飛嵐護遙樹仰觀天宇垂俯睨河流注石湖尚
波瀾洞庭但煙霧遊子多悲懷觸景增遠慕微跡既漂泊
流年復遲莫半生僅一來百齡能幾度回駕悵難淹又
復首前路

對雨金達可送酒至

星纏離夜月桂渚發朝雷族雲起泉室零雨下陽臺飄
檐方似霧集地復如埃空濛迷野鶯雷灑滑階苔旅人

欽定四庫全書

元詩選二集
卷二十

六

乏愉悅孤館獨徘徊久缺清醑至忽值白衣來豈不欲
為酌因君停玉杯

徐叔度遺紈扇

團團七華扇名在制久缺感君裂紈素與蒙却煩暎入
手訝如珪映容疑學月玩之炎氣消握之微風發却願
暑長在無使君暫歇

次韻宿西山

旦權東湖溼暝策西山麓林光漏月清水影漾天綠初

風革故和窮律轉新肅悲來攢人懷山房不成宿

送陳同知

楚客事晉君已皆榮厚祿身章襲犀象鼎食飫梁肉苟
范作姻婭趙魏與追逐旦分馳道出夜傍天居宿故悲
絕宗黨新敬起賓僕東洲有儒生官路獨迷躅青年結
主知窮老佐州收今為千里行猶未分符竹

治圃四首

三春豐雨澤晨興觀我畦嘉蔬有餘滋草盛相與齊勗

欽定四庫全書

元詩選二集
卷二十

九

力治荒穢指景光已西好月因時來歸路杳然迷莫鳥
尋舊林晚獸遵故蹊我亦息微勞去去安吾棲

長夏罕人事齋居有餘閒北窗多悴物且遂灌吾園攢
根既舒達積葉亦蔥芊瓜瓞繞畦長新葵應節鮮抱甕
一回視生意盈化先在我豈不勞即境多所歡悠悠千
載間樊生信為賢

萋萋素秋節淒淒天宇清挈杖視西園俛仰傷我情藜
藿日就凋惟見野草青草青亦幾日霜露早已零萬物

會有終人生無久榮功勛苟不建未若託林垞所以荷
黃翁長歌悲磬聲吾其理吾圃聊以隱自名

窮冬霜露下谷風轉淒其以今四運周感茲百卉腓披

榛歸北園

一作園

墟里故依依桑竹餘朽株臺榭有遺基

野老相與至嘲諧談昔時談罷輒引觴陶然無所思紛
紜世中事寒暑相盛衰此理苟不勝役役徒爾為既以
適吾願何能忽去茲

泛石湖

欽定四庫全書

元詩選二集
卷二十

三

束髮企名都游宦及茲年遂陪登瀛侶來上泛湖船水
光曜殘日林影溢中天巖穴停梳見樓臺鼓柁看蒼蒼
斂暝色霏霏曳寒煙菰蒲有餘淒鷗鷺相與閒窈窕趨
迴浦蕩漾媚遙川水宿怯宵清逢卧愛月穿俯視潒夜
魚仰睇衝曉鷺爲宮身愧浮霄斂志慚躍淵何當謝冠冕
歲晏此盤旋

雨後泊秀州城下憶僚友作

晨風變淑景春霞啓陰期雲根結翳翳雨足散垂垂鄙

人獨言邁去擢不得維路無行輪聲岸有荒楚滋暮抵
秀城下夜泊河水涓游魚返深渚啼鵲起重基客塗玩
物理寧不戀所思

至杭宿錢塘驛

昨夜宿臨平今旦入錢塘明岑淨朝氣迴浦漾晨光隱
隱吳岫出遙遙越岸長稜稜見摘堞戢戢覩攢牆堪歎游
歌地都非佳麗場樓臺已闕寂闕闕亦荒涼平生味陳
力未莫忝為郎徒然感恩義誰復聽忠良晚投公館宿

欽定四庫全書

元詩選二集
卷二十

三

官燭何焯煌自憐無補報飲媿遠中腸

泛西湖舟中作

夙負海嶽志緬懷西湖名蹉跎去玄髮邂逅徵素情驛
輶依岸息畫舫漾波輕前睇蘇堤繞旁窺葛嶺橫戀結
處士祠悲纏忠將瑩興繁賞屢失境變魂愈驚雄堞見
新築夢覺失舊營空餘歌舞地詎聞簫管聲顧余文墨
吏遑知治亂情人隱雖未弭客懷聊暫清一動羣生念
咄咄何時平

游吳山承天觀

石徑趨巍宮雲薨倚層壁昔聞帝子游今見羽人宅
鱗居庭際擁蜃閣窗外闢複嶺曲且盤喬林隱復直路縈
賞心侶谷館咀芝客既近已欣覲撫遠亦驚覲離離越樹
青渺渺海門白乘風遲來潮倚月候歸汐徘徊憶天險
俯仰誇地德于時將指使暫此盪塵臆豈無犬馬情終
負煙霞癖何當解朝組相從隱仙籍

抵富陽宿縣治作

欽定四庫全書

元詩選二集
卷二十

十三

戾戾風蕩波鱗鱗雲出崿乘輅臨安道指景富春郭是
節春已暮遙塗寒尚薄升陽對人掩傾潤灑衣落解鞍
憩危嶺倚劒望幽壑飢禽聲固慘哮虎勢尤惡既暝入
公署息念坐塵閣俯思還浦魚仰憶迴風鶴以之念鄉
縣臨觴不能酌

次場口

久宦迷故都故都在何處驅車向鄰壤頭白不知路長
林日夕行曠野東西顧方遠歎塗阻迤近覆心懼豈無

入林翮莫與歸颺遇

至古城飲馮氏家

跋馬向斯里彷彿見鄉閭徒知故山近終嫌歸路斷移
疾駐近郊薄言息短翰新知固雲集舊交多雨散為君
好兄弟視我實親串慷慨談昔游留連興累歎荒基記
歌榭棄礎憶吟館不覩物興衰詎知時治亂鄙人獲良
晤是節牽薄宦清厄阻久陪別袂限長判作詩寫情慮
聊用慰憂患

欽定四庫全書

元詩選二集
卷二十

十三

望九靈山

九靈眇何許連峰高不極依稀接遠霧仿像起寒色我
家是山下別來歲頻易屋廬開鳥聲冢墓遺獸迹可望
不可至空多故鄉憶

泛海

仲夏發會稽乍秋別勾章擬杭黑水海首渡青龍洋南
條山已斷北界水何長遠近浪為國周圍天作疆川后
偶安恬天吳亦屏藏蕩漿乘月疾挂席逐風揚零露拂

蟠木旭日耀扶桑我行無休隙此去何渺茫東海蹈仲
連西溟遁伯陽輕名冀道勝重已企時康孰為情可陳
旅念坐自傷

渡黑水洋

舟行五宵旦黑水乃始渡重險詎可言忘生此其處繁
氛蒸作雲玄浪威為霧柁底即龍躍櫓前復鯨怒掀然
大波起歟與危樯遇入水訪馮夷去此特跬步舟子盡
號泣老篙亦悲訴呼天天不聞委命命何據川后幸戢
威風伯并收馭偶濟固云喜既往益增懼居常樂夷曠
蹈險憂覆隆出處媿宿心禍福昧前慮皎皎乘桴訓用
以慰情素

望大牢山

稍入東膠界即見大牢山峰攢倅劒戟嶂疊類雲煙稜
稜插巨海渺渺漾中川波濤共突兀天日相澄鮮祇居
接島嶼觀宇連街阡既館茹芝士亦巢遜世賢客行積
昏旦水宿倦舟船茲山思獨往結茅徵願言柁師不我

欽定四庫全書

元詩選二集
卷二十

五

從大息歸中原

抵膠州

舟行無休期晨夜涉風水蹈越入一作吳鄉乘楚造齊
鄙逗浦波尚險即陸路纔砥依稀見州郭倉皇問官邸
土牆訝半頽草屋驚全圯所幸民俗淳稍使客情喜北
來既旬月西去尚幾里嚴程謂已近危途方始此沮洳浩
茫茫菅茅復靡靡幽燕去魂斷伊洛望心死日莫坐空
牀浩然念粉梓

欽定四庫全書

元詩選二集
卷二十

五

宿高密

長塗跋且涉征車馳復息曉旦發東膠落景次高密城
居不幾戶驛舍僅容膝僕馬立空曠徒侶話曛黑客情
既牢落世議復紛惑前險雖幸過後艱方未測骨肉在
遠道親朋皆異域縱云當別家胡乃輕去國明朝望鄉
處嗚咽淚霑臆

過營丘

營丘古齊國繇歷幾千春軌路偶經從延瞰一悲辛郭

郭盡阡陌濠湟半煙雲旦搖禾黍實莫走狐兔羣陵遲
世祀忽變換民居新廟寢想餘基文物憶前人在昔商
政熄於時周德聞聖賢相際一作濟會文武共經綸太公
扶大業伯夷守其仁首陽遺節義東海爵功勛功勛誰
獨久節義兩同湮物理有感觸長歎迴吾輪

至昌樂

秣馬安丘邑弭節昌樂縣道路正搔首郡邑忽馳箭即
河已虎據穆陵復豺戰西拒擁戈矛南出張組練倉茫

欽定四庫全書

元詩選二集
卷二十

五

走黎庶錯愕動纓弁我行日已遠我力日已倦亨衢蕪
棲息異事駭聞見如何命不淑所至時輒亂既同喪家
狗亦類焚巢燕僕御心盡灰妻孥淚如霰我道苟如此
安得髮不變

次益都

我行何處所北海乃其地去家萬里餘為客九秋陰白
楊夾軌路黃茅結官第陸嫌泥活活水愁河瀾瀾逐寇
騎宵馳防敵城晝閉疲氓已星散驚塵仍霧起長嘯指

牛山掩泣望淄水進退兩難圖徘徊尚誰恃易戒觸藩
祇詩刺離羣羣雖已矣可奈何愁來但甘寐

題劉凝之騎牛圖

日落未落西山前誰家老翁牛背眠短身曲局聳兩肩
山花插帽帽為偏左手拊牛右捉鞭牛行不動穩若船
一童衝冷手握拳迎風鼓勢走欲先荒郊寥寥艸纖纖
云是匡廬古道邊匡廬山水好盤旋此日劉公初挂冠
劉公作令天聖間民物熙熙德化宣世上浮榮直幾錢
白髮東歸耕石田當時出處亦偶然乃留遺迹後人看
長安城中足豪賢車騎駢羅氣灼天一朝變滅如雲煙
姓字寥寥若箇傳我觀劉公差獨賢

題平章公所藏天馬圖

君不見余吾水中天馬出赤鬣縞身朱兩翼割玉為鞍
鞞不得錦衣使者提若飛紫韁金勒看君騎却憶拂林
初獻時鳳城五門平旦啓馳道行驕轡耳耳路旁見者
誰不喜衆中牽出朝未央揮露流沫滿道香毛帶恩波

欽定四庫全書

元詩選二集
卷二十

五